

中國方志叢書·華北地方·第二三九號

據

清 · 樊增祥修 譚麐纂
光緒十七年刊本 影印

陝西 省

富平縣志稿

(三)

成文出版社有限公司印行

中華民國五十八年 月臺一版

富平縣志稿

全三冊

發行人：黃 成 助

出版者：成文出版社有限公司
台北郵政信箱二二六〇五號

台北市羅斯福路三段279之二號
電話：三七〇一三二號

印刷者：東南印製廠有限公司

和平西路二段70巷83弄29號

內政部登記證內版台業字第一一四七號

富平縣志稿卷八

節孝

青年矢志素節全貞孝敬無違潔清白誓抑有乞身求代
剪髮明心守之死靡他之訓得以誠相感之經肌已凜夫
冰霜骨復堅同金石歷久彌彰表揚宜亟

列女

志乘之作各盡其能然近關中惟周直刺乾州志王大令
興平續士女錄最爲得體緣地志前明迄今於地理建置
食貨藝文採錄靡遺略無疵累惟兵荒以後男女仗節死
事者不下數萬人爰就各鄉村社文學之士悉心採訪錄

其事實紀以姓名著之簡編第恐日久事湮故老無存姓名亦不得而知豈不可哀也已

節烈

朝廷崇尚節烈碑表坊碣遍於海內祠宇建於州邑其所以憑翼陰教顯幽閨微至隆且備也富平地接豐鎬周畿遺澤節婦貞女接踵繼軌清風異烈隕身保名以及委巷單門茹荼自甘地方官歲具事實冊報請卹建坊如制更有窮鄉僻壤遭時不偶身名俱湮茲就各鄉文人學士採訪事蹟書之地志庶幽靈得安侑馨香不囿於地挺標振秀式於茲土者乎

節孝志

星悅揚光瑤華啟籙貞生地元秀鍾嶽瀆坎符絜齊
異德婉淑陰教著績婦德慶成椒焚猶郁膏燼能薰
冰霜比潔竹柏有筠作節孝志壺範畱馨

節烈

元五女姓失考遭紅巾亂皆自殺明洪武時諭祭

明劉氏惠敬妻年二十六敬死遺子方在抱舅姑皆衰老家
故貧氏紡績事育四十年無異志成化四十年旌

宋氏張傑妻甫舉子傑病氏奉湯藥晝夜不懈比歿哀毀瀕
死無何舅姑偕亡終服後非大故足不出戶教子入庠

竇氏韓能妻年二十五而寡事舅姑孝孀居三十八年右並知縣陳潤上其事

惠氏劉五妻五死時氏年二十三守節終身誓不二志聞其事者知縣馬元也

仇氏强果妻夫死無嗣氏痛曰强氏祭掃舍我誰責誓死守節年七十餘卒

王氏李萼妻甫于歸夫卽病氏經年不歸寧萼飯亦飯不飯卽終日忍饑晝夜事湯藥罔懈比危謂氏曰乘吾生盍製素衣爲汝不虞備氏泣對曰果不諱吾有死耳何衣爲翌日夫屬續氏度必不起入後園自縊頃之萼甦覓之則已不救矣

時議夫存未宜請旌識者惜之

楊氏王志才妻年二十夫死有遺孕里人某欲出重幣娶之翁姑知不可奪令自計氏遂塞寢室戶不出者數年苦志撫孤年登七旬有孫七人皆成立

楊氏李彥章妻夫死貧甚氏勤績紡奉老撫幼姑憐其少勸令改適不從後直乙卯地震絕糧巨室謀娶者不一人氏皆痛罵不從隣婦哀之餽食却弗受與子某俱餓死

惠氏孟學孔妻萬厯中夫爲寧夏撫吏卒惠候喪至祭畢自縊事聞蒙旌有石坊在南郭明末毀於賊

翟氏溫九疇妻明末賊破寨墜城不死復投水罵賊被殺水

中

田氏陳儉妻萬厯中夫死於客輿櫬歸比葬氏囑工曰穴須寬治葬畢中夜自縊有司申請蒙旌坊曰從容就義

劉氏紀某妻庠生熙昌母夫當天啟中賈於蜀訛傳不諱氏卽自縊死直指莊謙題請奉旨賜旌貞烈之門碑樓見存

陳氏儒士張問德妻崇貞聞德以父歿哀毀死氏年甫廿二泣別其母誓殉夫死托孤夫兄殮畢自縊柩前有司上其事遭變未旌人稱憾事

徐氏田而腴妻父某宦秦中以誣下獄氏請鬻身救父而腴聞其賢聘爲繼室旣而腴代父死平陽逾歲柩還氏從容迎

祭成禮投繯死衣悉附體紉縫密比遺一女以哭母不食死
子死父妻死夫女死母節孝萃於一門洵屬難能

馮氏魏丕顯妾顯死氏年十九誓不改適撫嫡子孫厯四世
辛勤不懈幾七十載始歿

溫氏魏希孔妻年十九守節撫子及孫皆成立登仕籍邑令
丞各表其門一曰冰霜撫孤一曰貞節

李氏生員孫應魁妻歸二載夫故無出家故貧舅姑勸令改
適不從乃爲立嗣守志終身

王氏石若星妻性端才敏幽貞自好崇禎八年流寇入縣氏
引三女匿樓上賊欲生致之與三女俱自縊死

趙氏竇汝璽妻夫卒時氏年甚少苦節撫孤有司旌之

常氏李應科妻夫亡撫子大亨成立取婦張氏大亨復夭張亦守志不移人稱雙節

權氏石潛珠妻年十八夫亡撫孤子璽璽死撫孫九鼎復夭撫曾孫璋及白粹璋又殤白粹得成立三世保孤遭尤困

田氏生員李允昌妻年二十九而寡初昌病革謂氏曰爾多才若能教子成立死無恨比卒痛欲身殉舅以夫遺囑諭之乃止茹苦完貞教四歲孤後果成名

張氏生員陳俊士妻嫁未幾夫遠遊不歸氏依姑王氏紡績度日值大祲苦饑常閉戶數日不啟隣人號之不應疑餓死

排牆入視姑與婦皆整衣坐床上叩之曰無人可求忍饑俟死耳眾憐其苦醵米麥具飲食給之約盡再給拜受閉戶久之終不啟復排牆視則皆端坐死床上所給米麥委床側飲食置床前几上朽敗蠹生矣

孫氏支國楨妻十八喪夫上奉老舅及同居伯叔撫姪王佐爲嗣尤竭慈愛苦節厯五十年

楊氏李効忠妻太史因篤祖母值明末寇亂族中諸婦共處一樓賊攻破堡舉火焚樓有一賊舊爲丐者感楊氏往昔施予恩亟呼使下楊氏義不肯從與同族良賤八十一人俱焚死賊去火滅家人得其尸獨完好如生

劉氏邢加貞妻明末流寇攻掠氏投井死

楊氏石巍妻父爵卒哭死人稱孝女

惠氏翟大龍妻姑早亡遺一女與己女年相若值寇亂走避
度難兩全棄己女抱姑女奔陰村寨舅先在焉問知其故眾
義之約丁壯數十人覓女歸

胡氏紀英妻二十一而夫亡遺子甫二齡值寇亂投井中折
肱賊退救出得不死苦節撫孤教孫入庠

陳氏党敏妻支氏張饒妻王氏張謐妻孫氏胡進朝妻田氏
郭承蒼妻楊氏田貢妻劉氏王應奎妻俱矢苦節有司匾獎
馬氏惠本仁妻田氏李可久妻趙氏劉紳妻張氏李祥妻劉

氏孫朝用妻張氏陳世貴妻樊氏劉述堯妻惠氏宋尙節妻
王氏張廷瓚妻張氏李大亨妻張氏李恙妻郭氏紀■妻張
氏李汝儀妻胡氏王山妻■氏紀東野妻王氏張仲木妻楊
氏王盡忠妻紀氏邵積妻來氏劉元義妻張氏楊維藩妻胡
李濟民妻以上諸節婦俱夫亡守志撫孤成立

本朝牛氏程世武妻秉性堅貞克盡婦道強暴程尙榮逼姦不
從被殺獄成尙榮寘重典

古氏生員竇允陞妻夫亡冰蘖自矢苦節多年

唐氏溫九鵬妻夫隨氏父之任江南值危疾氏截指和藥以
進獲痊又三載夫亡氏年二十二攜孤扶櫬歸茹荼堅守年

五十六終

王氏常名顯妻婚七載夫亡堅守四十餘年孝事舅姑既歿薦饗務極誠恪舅有妾無出氏亦推心奉事撫子成立今己一門四世矣

賈氏王定宇妻宇任山東博興典史以病歸嘗謂氏曰我脫不諱如老母幼子何氏誓以苦守迨宇歿年二十五歲姑以哭子寢疾委曲事養後率子營喪葬遠邇稱賢孝

紀氏武承堯妻夫逝後嚴正自律勤瘁愈加厯五十三年冰操如一

竇氏王昂妻昂客死氏年二十二矢志守節孝養舅姑鞠育

旌

幼子荼苦終身

趙氏寶公朗妻夫亡氏年二十二子甫二齡家徒四壁奉舅姑克殫誠敬撫孤成立

劉氏韓養京妻年二十二而寡矢志苦守養衰姑撫子苦節著稱以上康熙五年至五十四年間蒙

陳氏鍾鳴震年二十七夫亡家貧甚誓志不移侍姑病三月不解帶教二子耕讀成家

黨氏程文朗妻夫歿時氏年二十七事親撫子備歷艱辛壽六十八

富平縣志卷之八
陳氏孟宏道妻年二十二而寡撫姪爲嗣服縞茹素守節歷四十餘年

樊氏孫自慎妻慎未娶入滇久不歸氏以舅姑窮老自詣夫家事之旣而自慎自滇寄書云已別娶李氏生子文達令氏改適氏誓死不從前令楊公義之移咨滇中查自慎擬招歸而自慎已死文達籍大姚爲諸生聞嫡母尙在扶自慎柩奉李氏攜妻妹閒關萬里歸富終養氏時年近六旬待李如胞撫文達如己出雍正四年

旌表乾隆二年知縣喬履信以文達歸養事申請蒙恩賜六品頂戴李氏姚安白鹽井人方自慎娶氏諱言有原聘在

至楊令檄查時氏年已六十二長女皆適人文達欲歸富慮氏有難色氏曰兒合北歸願同行不復戀故土矣既抵富以嫡長推樊氏每事下之沒齒如一日

王氏張鳳舉妻順治元年夫歿氏甫十九齡家業蕭索氏辛勤力作僅免凍餒壽踰耄耋得見曾孫入泮

李氏張瓚妻年二十一夫亡痛不欲生念夫遺命奉姑撫子和妯娌睦親族生平無疾言遽色歿年五十三歲

秦氏汝任妻年二十五舅與夫死於粵氏無子痛絕不食戚友感之助金迎櫬歸守節十五年始立姪爲嗣鞠養辛勤克底成立